

# Prijedlog zakona o računovodstvu i reviziji u Federaciji BiH

Piše:

**mr. Mukelefa Čefa**

**PAVLOVIĆ, ovlašten revizor**

U primjeni Zakona o računovodstvu i reviziji u Federaciji Bosne i Hercegovine, koji je na snazi od 16. 6. 2005. godine („Sl. novine FBiH“, broj 32/05), uočeno je da nisu bila obuhvaćena mnoga pitanja vezana za oblast računovodstva i revizije. Sam njegov obim (svega 20 članova), ukazuje na stvarnu nedovoljnost i da je propušteno da se urede mnoga pitanja koja su od bitne važnosti za organizovanje i rad poslova računovodstva i revizije pravnim licima.

Prijedlog zakona o računovodstvu i reviziji u Federaciji Bosne i Hercegovine (dalje: Prijedlog zakona) rađen je skoro dvije godine i izvršene su značajne promjene i dopune važećeg Zakona o računovodstvu i reviziji, kako bi se obuhvatili i propisi koji su do sada regulisani uredbama o računovodstvu i reviziji.

Prijedlog zakona je iznesen na Parlament 5. 11. 2009. godine i tada su podneseni amandmani kojima su tražene sljedeće izmjene:

- da se godišnji konsolidovani finansijski izvještaj predaje najkasnije do kraja aprila, a ne do kraja marta kako je bilo navedeno u članu 44. u Prijedlogu zakona, i

- da se knjigovodstvene isprave, koje mogu biti eksterne i interne prirode, sastavljaju u dovoljnom broju primjeraka, a ne, kako je u članu 16. stav 2. bilo navedeno, u tri primjerka.

Navedeni amandmani su usvojeni, ali je došlo do odgađanja usvajanja Prijedloga zakona iz razloga jer se poslanici nisu mogli usaglasiti gdje će biti sjedište institucija koje će se u narednih šest mjeseci formirati u skladu s Prijedlogom zakona. Očekuje se da će do naredne sjednice Parlamenta biti postignuta saglasnost i o tom pitanju. Zakon o računovodstvu i reviziji, prema Prijedlogu, početak će se primjenjivati od 1. januara 2010. godine.

Očekuje se da će do naredne sjednice Parlamenta biti postignuta saglasnost i o tom pitanju. Zakon o računovodstvu i reviziji, prema Prijedlogu, početak će se primjenjivati od 1. januara 2010. godine.

Prijedlog zakona ima za cilj da se stvore uslovi za:

- kvalitetnija izrada finansijskih izvještaja i veća usklađenost sa računovodstvenim standardima i standardima revizije;

- profesionalnije ponašanje računovoda i revizora, te jača uvjerenje o značaju računovodstvenih poslova u svim segmentima društva;

***U izradi Prijedloga zakona o računovodstvu i reviziji u Federaciji Bosne i Hercegovine izvršene su značajne izmjene i dopune kako bi se obuhvatili i propisi koji su do sada regulisani uredbama o računovodstvu i reviziji. Prijedlog zakona, iznesen na Parlament 5. 11. 2009. godine, odbijen je jer se poslanici nisu mogli usaglasiti gdje će biti sjedište institucija koje će se u narednih šest mjeseci formirati u skladu sa Prijedlogom zakona. Očekuje se da će do naredne sjednice Parlamenta biti postignuta saglasnost o ovom pitanju, te da će biti konačno usvojen, a zakon će se primjenjivati od 1. januara 2010. godine***

- stvaranje uslova za bolju organizaciju i funkcionisanje interne kontrole i kontrole revizije;

- osnivanje revizorske komore, i
- uspostavljanje registra finansijskih izvještaja u Agenciji za finansijske, informatičke i posredničke usluge.

Prijedlog zakona sadrži 77 članova, koji su raspoređeni u osam poglavlja:

- I Opšte odredbe
- II Zvanje i kvalifikacije
- III Sistem računovodstva i knjigovodstva
- IV Finansijsko izvještavanje
- V Revizija finansijskih izvještaja

- VI Nadzor kvaliteta rada društva za reviziju i ovlaštenog revizora
- VII Kaznene odredbe
- VIII Prijelazne i završne odredbe

## I Opšte odredbe

U prvom članu utvrđenog Prijedloga zakona uređuje se oblast računovodstva i revizije, sticanje zvanja, kvalificiranja i licenciranja računovoda i revizora, funkcionalnija organizacija sistema knjigovodstva i računovodstva, značaj pripreme prezentacije finansijskog izvještaja i izvještaja o izvršenoj reviziji, osnivanje revizorske komore i uspostava nadzora nad kvalitetom rada društva za reviziju i javni nadzor.

U članu 2. navedeni su svi značajniji pojmovi pod kojima se podrazumijevaju: knjigovodstvo, računovodstvo, revizija finansijskih izvještaja, certificirani računovode i ovlašteni revizori, računovodstveni i revizorski standardi, registar finansijskih izvještaja i dr.

Odredbe ovog zakona se odnose i na korisnike prihoda budžeta Federacije, kantona, općina i gradova i vanbudžetskih fondova.

Prema ovom zakonu, svi pravni subjekti su razvrstani na male, srednje i velike, u zavisnosti od visine prihoda, vrijednosti imovine i prosječnog broja radnika u toku poslovne godine, čija visina je, također, utvrđena.

Na dan sastavljanja finansijskih izvještaja pravni subjekti su obavezni da samostalno izvrše razvrstavanje u skladu sa navedenim kriterijima, što će se koristiti za poslovnu godinu koja slijedi.

Novoosnovani pravni subjekti razvrstavaju se na osnovu podataka iz finansijskih registara tekuće godine.

Razvrstavanje pravnog subjekta u mala, srednja i velika, koje je izvršeno u skladu sa ovim zakonom, pravni subjekt je dužan uz godišnje finansijske izvještaje dostaviti Agenciji za primanje finansijskih, informacijskih i posredničkih usluga (FIP) ili, kako je u članu 44. rečeno, Ovlaštenoj instituciji osnovanoj po-sebnim zakonom koja obavlja kontrolu i obradu finansijskih izvještaja, te vodi Registar finansijskih izvještaja (čl. 1., 2., 3. i 4. Prijedloga zakona).